

北京師範大學圖書館編

北京師範大學圖書館藏

稀見清人別集叢刊

第三十一冊

GUANGXI NORMAL UNIVERSITY PRESS
廣西師範大學出版社



北京師範大學圖書館編

北京師範大學圖書館藏

稀見清人別集叢刊

第三十一冊

GUANGXI NORMAL UNIVERSITY PRESS
廣西師範大學出版社

桂林



報暉堂集

〔清〕黃維申撰

報暉堂集

《報暉堂集》三十卷，清黃維申撰，清光緒十八年（1892年）刻本。

黃維申，字復唐，號亦足道人。湖南善化人。祖籍江西泰和。道光二十一年（1841年）生。少事舉業，屢不得志，三十三歲得足疾，遂棄舉子業，以教館爲生。半生潦倒，身罹沉痾，長子早逝，人生頗爲不幸，遂將『一生心血，消磨於詩文詞賦之中』《祭長男式撰文》。

此集爲維申五十餘歲時刪訂，『凡樂府暨古近體詩千六百二十首，詞百四十八首，賦頌雜文若干首，都二十餘萬言，厘爲三十卷』卷首自識。前二十一卷爲詩集：卷一、二分收《咏史樂府》百二十首，作于同治六年至光緒十一年（1867—1886年），『別白是非，揮寫哀樂』《咏史樂府自序》；卷二、四分收《楊麓山樵唾餘稿》，作于咸豐

十年（1860年）至同治五年（1866年），收其在湘及入宣城軍中所作；卷五《梅館集》作於六年至七年；卷六

《芝館集》，作於八年至九年；卷七、八分收《養痾集》，作於十年；卷九《課餘草》，作於十一年至十二年十月；卷十、十一分收《懷鉛錄》，作於十二年十一月至光緒三年正月；卷十二、十三分收《逃禪集》，作於五年五月至六年九月；卷十四《舟車集》，作於六年九月至十二月赴德州求醫途中；卷十五《壺城集》，作於七年正月至三月客居德州時；卷十六《濯錦園集》，作於七年三月至八月主講德州書院及主持濯錦園詩社期間；卷十七《南歸集》，作於七年九月至十二月自德州返鄉途中；卷十八《靜廬集》，作於光緒八年；卷十九《林卧集》，作於九年至十年長子病逝後；卷廿十《鄂遊草》，作於十一年客寓武昌之時；卷廿一《鷗巢集》，作於十二年至十八年；卷廿二至廿四為詞集《寫心集》、《客窗消息錄》及《幽憤錄》；卷廿五至三十為各體雜文。詩文集嚴格按年代編次，具有鮮明的以詩代年譜自存的意圖。《自題詩集後》中『五十編詩例可援，船山一集至今存』之語，則表現出對鄉先賢的追慕之情。有馬洪慶序并題詩及王先謙題詞。

黃氏自言為宋人黃庭堅後裔，以『山谷之詩孫』卷十八《醉歌行》自勵自詡，于詩文『殫精以赴，竭蹶以圖』卷二十

九《與午溪從兄書》。推崇漢魏六朝詩，喜讀《文選》，多擬樂府古題之作，近體風調亦在中唐以上。《懷鉛錄》收光緒

元年（1875年）與王闓運的贈答詩，湘綺詩以漢魏遺音爲指歸，兩人可稱同調。集中較多登山臨水之作。又《江南行》《織屨叟》《貧女織》等寫同光間社會慘象。

卷二十九《紀事》有《與陳畢凡太守書》一文，作于同治七年（1868年），從貧富不均、勢力不等、名義不正、用途不明、時機不當五個方面，力申太平天國運動後地方官府所醞釀的『米捐』之舉切不可行，反映了清末湖南賦稅的真實狀況，可補正史制度之不足。（楊春俏）

李氏
暉堂集
卷之十

光緒十八年季秋
月及門諸子校集

序

自古瑰奇磊落之士其鬱勃之氣無所洩往往發爲歌詩以鳴其不平悲其遇者遂假窮而後工之說曲爲慰藉余以謂此有激之言也夫六合之內學詩者家置一編要惟有卓絕之才而學專且久乃能自名一家以傳於代若是者窮達蓋皆有之若必責工於窮則夫不窮而工與窮而不工者何以解焉湘西黃復唐明經少爲名諸生下筆千言立就既病痺不復與試遂棄舉子業肆力於詩古文辭嘗囊筆從戎游歷大江南北迄無所遇而歸歸益發憤讀書自驢選而下泊唐宋以來諸作者靡不含咀英華卓有以自立刻集殆盈尺許歲庚辰省弟研塢來德余一見如舊相識因得盡讀其詩葛斛泉滿余每韜筆以避其鋒聞有投贈復唐不余薄也自是往還益密談詩常至夜分未幾忽忽別去不相見者十

報暉堂集卷首序

年今歲復唐書來將合刻前後諸作屬余爲序復唐之才十倍於余余文奚足重復唐顧念余與復唐其嗜詩同病痺不遇亦略相等復唐足雖弱行簪述之多不脛而走天下較其所得蓋已豐於科名余二手先後病廢足亦不長于行碌碌餘生久欲焚棄筆硯以余窮不工詩乃知復唐之詩之工才與學爲之而不繫乎窮也因復唐請勉述離合異同之故以追諸責復唐其亦愴然感乎光緒辛卯孟夏德州愚弟馬洪慶拜撰

題句

壁壘森森大將旗湘中盪寇起雄師書生也有千秋業好把文章

答聖時

萬卷撐腸卽不貧知君才調更無倫編成詩集三千首誰號香山是半人

香山詩漢上

馬洪慶再題

佳人夙傳絕代此筆大似飛仙舊德見黃山谷新詞續白樂天與君似曾相識展卷爪印泥鴻淚冷江南行裏神懷湘月圖中

目錄

題湘城秋月圖詩爲陳君文垣作文垣子傳文也

長沙愚弟王先謙拜題

卷之一 詠史樂府上 凡五十首

卷之二 詠史樂府下 凡七十首

卷之三 楊麓山樵唾餘稿上 凡古近體詩六十首

卷之四 楊麓山樵唾餘稿下 凡古近體詩五十首

卷之五 梅館集 凡古近體詩百首

卷之六 芝館集 凡古近體詩百首

卷之七 養痾集上 凡古近體詩六十七首

卷之八 養痾集下 凡古近體詩五十三首

報暉堂集卷首 題句 目錄

卷之九 課餘草 凡古近體詩百六首

卷之十 懷鉛錄上 凡古近體詩四十八首

卷之十一 懷鉛錄下 凡古近體詩六十一首

卷之十二 逃禪集上 凡古近體詩四十三首

卷之十三 逃禪集下 凡古近體詩七十首

卷之十四 舟車集 凡古近體詩九十三首

卷之十五 壺城集 凡古近體詩八十二首

卷之十六 濯錦園集 凡古近體詩八十三首

卷之十七 南歸集 凡古近體詩百三十首

卷之十八 靜庵集 凡古近體詩七十四首

卷之十九 林臥集 凡古近體詩八十三首

卷之二十 鄂遊草 凡古近體詩九十四首

卷之廿一 鵲巢集 凡古近體詩百三首

卷之廿二 詞一 寫心集 凡詞五十九首

卷之廿三 詞二 客窗消意錄 凡詞四十三首

卷之廿四 詞三 幽憤錄 凡詞四十六首

卷之廿五 賦 頌 表 論 辨 說

卷之廿六 考 解

卷之廿七 序 書後

卷之廿八 傳 行狀 墓誌銘 哀辭

卷之廿九 紀事 書

卷之三十 雜著

右凡樂府暨古近體詩千六百二十首詞百四十八首賦頌雜文若干首都二十餘萬言釐爲三十卷蓋自始學以至於今年

逾五秩矣業不加進老而無成所得止此良自愧耳博雅君子尙其匡予不逮光緒十有八年壬辰歲秋分前五日亦足道人自識

報暉堂集卷首

報暉堂集卷之一

善化 黃維申 復唐

詠史樂府上 凡五十首

古無樂府之名古之爲詩皆可被之管絃三百篇皆樂府也其教樂之官於殷曰瞽宗周因殷周官又有大司樂之屬誦之爲詩歌之爲樂樂卽詩也至漢武帝乃立樂府專肄郊廟之歌備祠祀之用於是樂府與詩離而爲二矣明李茶陵以二十一史擬樂府百篇王弼州病其太涉議論以爲十不得一旣而稱其奇旨剗造名語迭出自是天地間一種文字 國朝尤西堂效之爲明史樂府其自序曰雖未敢竊比西涯庶幾存詠史之一體其中別白是非揮寫哀樂不過寄吾意之所在而聲與調固所不卹焉夫聲詩隨世運爲轉移伏羲之扶來神農之下謀祝融之屬續顓頊之五莖帝嚳之六英其詞不可攷而自雲門以下至於卿雲八伯之詞南薰喜起之作其聲且遞變矣又降而至於大風秋風之詞天馬天門之奏安世房中之歌落葉哀蟬之曲其聲又變矣故樂有古今之殊聲有新舊之異不必其相沿襲也予幼好讀史意有感發輒著之於篇自同治丁卯訖於光緒丙戌綜前後所作汰其蕪者得百二十首編爲二卷弁之集首不知視西涯何如而其別白是非揮寫哀樂聊寄吾意之所在則猶西堂之志也夫亦足道人自識

河圖出

河圖出卦爻生書契作文字成教佃漁教畜牧百利興萬民福然而鑿破混沌窳漸啟奢靡俗後來左史六書更多事文心日幻無渾樸宜乎天雨粟鬼夜哭

華封祝

咸池大淵六英承雲皇古樂歌其詞不傳伊耆作戒曰戰曰慄蹕山蹕蹕曰謹一日康衢有謠擊壤有歌聲詩之祖童叟所哦與物皆昌奚懼奚辱一人之行萬目所屬一人之慶厥心所欲君不見華封更有三多祝

裂綰娛

太康尸位夏始衰五子作歌同告哀少康中興伸撻伐克殄元兇還舊物破斧歌興東音起諸侯化之夏危矣何况瓊室象廊習奢侈裂綰之聲娛妹喜噫嘻古來亡國都如此前妹喜後姐已

舉烽笑

鳴條誓眾湯業隆毋野倒戈武功崇鹿臺一笑殷社空驪山一笑周轍東兩家興廢將無同江山為輕美人重介胄之士殊無用可報暉堂集卷一 永史樂府上

惜美人笑未終犬聲吠破椒房夢

堂阜囚

作內政寄軍令官山海審利病立三選以擇賢分五屬以敷政天下才何偉哉一匡天下伯業恢帝王自有真伯業乃其創後有繼者莫能抗反顏事仇節士所羞豪傑救時不為病蓋世功名兆射鉤不見當年堂阜囚

蛇割股

龍失所蛇為輔龍之食蛇割股割股非媚龍士各為其主胡為龍還淵竟忘蛇割股豈知蛇心甘淡退祿雖不及亦無語旁有人兮抱不平作歌宮門憤激聲晉文恩怨最分明胡為此舉獨忘情山頭一炬蛇身腐縣上之田何足補天公特賜禁煙雨介山高高足千古

立孤難

趙宗一線何艱哉全家被殺存孤孩呱呱在懷吁可哀賊復索入公宮來入宮來何處匿置兒袴中兒勿泣趙宗有靈兒果默賊徧求之不可得趙氏不絕夫人之德夫人立孤為其天程嬰杵臼胡為乎嬰為其難曰也死友朋之義千古無彼屠岸賈其危諸

延陵讓

東遷而後王迹湮風教衰微篡奪頻紛紛蔑義而廢親賊兄弑父兼弑君天下豈復知人倫不意延陵有畸士乃能守節存倫理化爭為讓本家濫仲雍之風傳季子高行落落光青史吁嗟虐如此高行世有幾當時自季子而外獨魯叔胥曹子臧衛子鮮三人耳

鸛鵲巢

鸛鵲巢童子謠巢鸛鵲公出辱鸛鵲巢車遙遙巢鸛鵲歌以哭偶報暉堂集卷一 永史樂府上

父喪勞宋父以驕野井是居淒風夜號無家可歸蹢躅荒郊不如鸛鵲尚有巢

秦庭哭

伍員友也友可欺乎楚平君也君可非乎君臣以義父子親二者當兩全其倫父欲存楚子覆楚以親掩義至不仁雖然楚可覆楚仍可復友可因父而重君之仇我豈因友而忘君之辱當時別友言宜踐乞師何惜秦庭哭烏虜秦庭七日哭不令楚社一朝屋

中山羹

兩軍相持陣雲墨勝負何常在頃刻將軍顧義不顧私愛子遭烹救不得棄一子猶可言噉一杯何忍然噉呼嘻樂將軍棄子吳將軍殺妻一求將一全師功則成人見疑殘忍薄行有如斯

趙上卿

先國憂後私讐上卿如此忠何慚居上頭將軍胡不平怒氣森戈
矛兩虎相爭勢不兩生甯降吾志毋壞而長城將軍聞此言心亦
爲之動負荆肉袒神憂悚攻城野戰誠有功張目叱秦豈非勇惜
哉孝成王不任此兩人長平有卒四十萬一日盡化爲灰塵愚哉
趙括酷哉白起豈識循環有天理他日秦降卒亦當如此死

望諸君

下名城七十二呼吸閒定齊地圍卽墨才三年王不明聞讒言騎
劫來將軍逝安平勝前功棄燕之上將軍適趙封觀津逐國士以
資鄰知國勢之不振雖然君子絕交不出惡聲忠臣去國不潔其
名所以不圖燕不爲趙往來二國以終老惜乎王佐才不圖麒麟
貌君不見望諸君墓有人弔

愚狐聚

報曉堂集卷一 詠史樂府上 四
卜世卜年數已終五伯降而爲七雄諸侯目中無天子伐國滅國
紛無已請隧問鼎僭猶小後來宗社且不保平王東遷計早失坐
把殺面送秦室合從謬算噬蘇君遂令六國困強秦烏庠六王畢
四海一祖龍興愚狐黜君不見愚狐聚陽人聚西周東周無住處
八百七十四年大事去

易水

渡易水向咸陽報太子殺秦王感知遇勿傍徨勿傍徨入虎口圖
在前已往後雖不利環柱走環柱走肢體裂壯士死六國滅功不
成旣亦烈

松柏謠

帶甲數百萬地方數千里不能自固乃事秦五國旣滅齊危矣松
耶柏耶住建共者客耶餓而死其誰惜耶雅門司馬鷄援手卽墨

大夫虛開口田氏之鬼同若敖孤魂蓋見君王后

博浪椎

呂政千古之梟雄并吞六國疲戰攻登山刻石興則濃子房儒者
韓之忠五世爲相主恩崇國讐未復臣無功日夜念此心爲仲博
浪沙中悲風起鏃椎一擊無生理副車誤中偶然事惡不貫盈不
合死是時祖龍魄已褫事則不濟心快矣大索十日無處尋政法
雖嚴良謀深噫嘻深謀能避虎狼猷嚴法早離億兆心

臘嘉平

神仙得者茅初成帝欲學之臘嘉平八荒旣併吞四海歸囊括皇
帝無萬歲速求長生訣仙人何處居海中神山得見無可憐數千
童男女往葬魚腹誰活汝徐市去盧生來荒唐方士說蓬萊東行
求仙意未已北築防胡一萬里明年之采射巨魚沙耶歸卧輻涼
車

望夷宮

一作阿房宮再作阿房宮阿房宮成民力窮日日宮中爲燕樂不
知羣盜滿關東中丞相權重無比嗣君拱手默而已公子公主且
被害成邊將軍何足齒上蔡公子本同謀一言不合要斬矣當時
矯詔殺扶蘇今日麾兵入宮裏昔稱陛下今足下足下無道丞相
恥丞相恥君當死望夷宮殺天子

縞素軍

順德者昌逆德者亡兵出無名事故不成董公之言真有理縞素
發喪義軍起胡爲置酒高會樂彭城美人寶貨幾捐生彭城去沛
百里地不迎太公是何意噫嘻漢王前歲入咸陽見秦寶貨婦女
心傍徨今茲入楚都見楚美人寶貨忘遠圖兵雖有名心豈正得

成大事亦天幸當時義帝果不死未必漢王終事彼縞素軍亦僞耳

哀王孫

王孫偶儻非凡才亭長之妻何愚哉不許寄食絕之去手攜長竿城下來城下來王孫飢一飯且不得富貴當何時吁嗟王孫何支離哀王孫豈望報他日登壇拔冤死仍當歸作淮陰釣休爲走狗貽世笑

小修武

滎陽圍急遁走成皋成皋圍急渡河而逃渡河而逃誰爲安處單騎一宿小修武救倉有粟數十萬楚棄不取資漢主楚人積聚漢焚之成敗關頭在此時烏庠焚楚積聚漢業定襲莽輜重漢再振破紹軍糧漢室燼

報暉堂集卷一 詠史樂府上

六

烹而翁

而翁被虜已三年而子略無憂念言聖王以孝治天下棄父祖上何忍焉分羹一語虧孝德此豈可爲天下則若非伯也全而翁天下竟有無父國

烏江

滅秦除暴功無兩收拾江山付亭長亭長分明酒色徒違信背約豈丈夫得鹿失鹿偶然事鴻門不死亦天意莫將成敗笑重瞳不肯渡江眞英雄君不見漢圖斬將還自殺逝將提挈八千子弟魂魄還江東

人統

去年殺韓信今年醢彭越烏盡弓藏古所悲敵國已破臣難活功多先被誅或非隆準意豈有齡達大度之君爲此猜忌不仁之事

毒手出婦人牝雞竟司晨鍾室冤沈青衣泣功人功狗都於邑功狗爾勿傷牝雞方肆志鼎湖龍去雞上天赭衣血染夫人淚君不見永巷廁中有人統

宜陽雨血

星晝見雷冬鳴桃李秋華伊洛溢陰乘陽位城爲傾背先帝約王諸呂不記當時白馬盟誰阿后意丞相平丞相平胡捲舌太傅陵空而折後來成功亦僥倖隱忍幾令漢祚絕君之同官后所幸先皇地下應鳴咽君不見宜陽一日雨盡是高皇在天之靈眼中血

墜馬傷

洛陽年少善屬文博辯宏詞屈坐人天生奇才輔盛治鋒芒未斂宜磨厲漢文有道稱聖明前席禮生恩豈輕將老其才大其用生胡爲者窮途慟初傳長沙後傳梁王墜馬生自傷哭泣歲餘生報暉堂集卷一 詠史樂府上

七

新垣平

一書郊五帝再書祠五帝天止一天帝有五孝文當日稱英主漢家宗社四百春誰其傑者遠鬼神武祠龜君桓老子後起之儼甚於始持玉獻關要功名治廟改元紛變更亂臣邪說欺聖明何不早誅新垣平

飛將軍

邊陲搖蕩烽煙橫將軍一射狼居驚祇爲牧猪奴所制遂令將軍功不成飛將軍如虎子夫非其姊牧猪奴如鼠官從裙帶起干戈庫數已奇年更老後督爭及蛾眉好

一障開

窮邊戢武入天山漢家宗社不得安殺虜匈奴八九萬漢家士卒

無半還博士噫何人乃敢爲謬言御史大夫朕所喜誰敢議者賜之死愚儒無知爾狄山命爾捍寇一障閒一障閒聊小佳願借匈奴刀割爾頭願去

塞瓠子

瓠子決兮逾廿年廿年不塞故道湮始則蔽於武安而委之天繼則惑於五利而俟之仙武安殂五利誅天事不可憑神仙世則無徒令百姓歎其魚神仙世則無求仙意未已嵩高泰岱祠祭畢乘輿又降東萊里神仙不可見見大人蹟無乃是時河南民病深十六畝中汪洋水帝乃臨決河沈玉璧負薪提竹塞瓠子烏庠梁楚閒被害廿年矣

太初歷

孝武智勇本天錫惑於左道敗功績紛紛興作不足讒獨可美者太初歷太初歷本夏時此歷久廢無人知周正建子秦首亥漢興百年尙因之帝始欣然復古道雖云復古亦稱造一字深褒漢天子質之尼山當曰是

博陸侯

博陸侯漢伊尹廢立本行權國祚因之永其事不可再其功不可泯胡爲蓋世勳僅得全首領漢家天子薄功臣烹韓彭家法存顯禹雲山信有罪族誅無乃亦寡恩雖云漢寡恩疊由將軍起要路置私人要恩不知止年老辭位去賢哉疏二子

五鹿客

五鹿客黨石賊益以牢梁號三友天下大權歸一手將軍一怒天子懼何況公卿敢違誤紛紛堪猛一何愚此時尙可有爲乎貪戀名位喪其軀如此類者何足書可惜京生明易道胡爲首領亦不

保烏庠危行言孫當學尼山老

匡解頤

無說詩匡鼎來匡說詩解人頤匡說詩解人頤匡爲相位自戶明經亦何爲阿諛曲從罪當替附下罔上法當夷而乃覲顏爲經師爲帝師于嗟乎漢重經術士寵榮極優渥焉知說詩鼎巧佞覆公餗君不見衡阿顯縱紙觸禹附根養鳩毒新莽之禍從此酷

佞臣頭

火德陵夷禍水流黃霧四塞天爲愁小臣願從龍比游攀檻檻折臣當休但求尙方劍斬此佞臣頭佞臣頭直臣手縱不成堪不朽

新皇帝

祭贊曰假皇帝臣民曰攝皇帝誰知安漢公早有篡漢意居攝踐祚亦暫耳不久便作新皇帝奪去璽綬自建國此時寡婦悔不得殺即堂集卷一 詠史樂府上 九

名士喪心美新朝三綱毀棄四維絕可笑孔光聖人裔亦以周公比功德特恐死見先聖於地下當以叩故人之杖杖之曰老而不死是爲賊

銅馬帝

漢統中絕十八年四海擾亂何巋然秦燔詩書立私議莽借六藝文奸言殊途同歸胥滅焉唐兒醉幸天所使六傳乃出眞天子赤伏符興絳衣起漢官威儀復見矣平林新市爲驅除赤眉青犢紛逃遁王郎冒帝何其誣公孫躍馬何其愚君不見鬱蔥早見春陵氣天命終歸銅馬帝銅馬帝無他長平生謹厚民所望民所望天所相君不見昆陽雷雨滄川漲

大樹將軍

蕪蕪亭前餞文叔大樹將軍上豆粥南宮道傍文叔困大樹將軍

進麥飯將軍抱薪禹焚火文叔此時真坎珂白衣老人來道左努力信都庶幾可他日鄣南復帝室大樹將軍功第一

夕陽亭

內戚典禁兵宦者亦封侯乳母女真可人威勢更與帝者侔可笑公卿無恥者一見伯榮拜車下堂堂太尉楊伯起大怒伯榮奏天子豈知逆耳之言不可聽伯榮無恙伯起傾紙墨未乾印綬去忠魂飄泊夕陽亭島嶼不見汝南牛醫兒優游物外全其生

十九侯

鄭眾爵孫程封并以閹人定策功鄭眾死孫程起不獨漢家閹禍從茲始後世黃門弄權實基此刑餘本濁流焉能恤國憂朝綱穢亂國祚休當時周舉稱忠鯁乃亦阿諛十九侯

直如弦

報暉堂集卷一 詠史樂府上

十

直如弦死道邊臣愚死不惜君弱生可憐大將軍權重於君大將軍威天下聞海水殺人狼作祟是時將軍方醉醺齟齬笑折臂步兵馬入門花鈿委路將軍死百姓喜百姓且勿喜後來五侯更酷矣舉朝公卿何靡然狗冠胡服紛周旋山驢日引至尊鞭誰其諄者直如弦

二郡謠

汝南太守范滂南陽宗資主畫諾南陽太守岑公孝宏農成瑨但坐嘯非坐嘯實坐理殺一富賈黨禍起富賈倚勢於中官中官慣訴天子前天子一怒名士殲二百餘人同入獄天下榮之不爲辱君不見西州豪傑皇甫規上書乞附黨人碑

治家備

前有酒家保後有治家備變形隱姓遁山中山中歲月豈不好名

士甘心作傭保忍恥全生世所譏何如不俟終日早見幾

河間來

朝向河間去暮從河間來漢家天子起草萊乘輿班班亦壯哉卿五百萬公千萬賣官官賤良可咤黃金作堂錢作室金錢不贖洛陽災漢家宮殿竟成灰于嗟誰生此厲階河間來

荊州

赤壁未勝荊州當爭赤壁既勝荊州無庸爭周郎一炬火已禡老瞞魄乘勝併力圖中原可興漢室除漢賊胡乃今日借荊州明日索荊州今日奪荊州明日分荊州六七年間曾不越荆襄尺寸地紛紛自相攻擊忘國憂烏庠當時瑜亮稱善謀

董貴人

帝無貴人生不樂丞相殺之無乃虐帝曰貴人當有子乞丞相恩

報暉堂集卷一 詠史樂府上

十一

緩其死丞相曰匹此逆種將賢一怒帝大恐雖然殺貴人事猶小子在腹安可保君不見壁中牽出皇后幽殺之并子三人同日夷帝曰嗟我亦不知命在何時烏庠帝亦不知命在何時

丹陽太守妻

丹陽太守曰孫翊有妻氏徐勤婦職變生肘腋不及防太守被殺妻被逼被逼云何烏權於羅不從則死從之可恥勢急智生僞許鴛盟密約親信復仇計定及期薰浴喜諧花燭伏甲在帷賊夢不知快呼殺賊罪人斯得斬頭一雙祭夫君夫仇既報妾志伸部民軍吏驚爲神于嗟庠斯時朝廷有賊竊神器公卿無人伸大義

五丈原

五丈原頭隕大星炎運終衰漢鼎傾祁山六出功不成是有天焉不可以力爭于嗟乎隆中已定三分局胡爲抵死言恢復何況主

昏國弱勢難輔更有奸人亂宮府然而鞠躬盡瘁死而後已純臣
心事如是如是烏庠丞相薨巾幗活猶懣懣餘威氣爲奪百姓乃爲
之諺曰死諸葛走生仲達

奈何降

國君死社稷此語胡不聞奈何面縛輿輓降軍門哭廟斬妻還自
殺懷懷生氣至今存先皇地下悲極應更豈子不肖父乃有孫烏
庠北地死猶生安樂生亦死巴郡昔無降將軍成都有降天子

報暉堂集卷之一

詠史樂府上

受業湘潭胡紀榮校

二

報暉堂集卷之二

善化 黃維申 復唐

詠史樂府下 凡七十首

臨平湖開

吳臨平湖開而亡陳臨平湖開而滅江左敗亡如一轍湖塞天下
亂湖開天下平此語出佞臣孫皓胡不明辟如敗證脈將死庸醫
卻反決其生君不見征南將軍羊叔子疏請伐吳自茲始

周將軍

虎不死南山墮蛟不死長橋摧益以子三害矣年則豐禍未已射
爾虎一害除殺爾蛟二害誅英雄舉動人不知擲刀從此事陸機
砥節礪行識忠義孤軍敢入窮邊地按劍一呼悲風起弦絕矢盡
將軍死噫嘻將軍當日作橫亡賴苦鄉里豈知後來効節致命光

報暉堂集卷之二 詠史樂府下
青史真英雄有如此

三語掾

聖人與老莊將母同名教與自然將母同形器與空虛將母同浮
華與篤實將母同將母同學識見假名士膺辟薦竹林賢嗣耳無
聞賣李司徒目無見時人謂之三語掾

徙戎論

晉室中土皆戎居雖欲不亡安得乎晉陽雜處何奴族上黨石勒
虎負嵎鮮卑慕容昌黎據扶風羌姚臨渭苻卧榻之側容舒睡何
況賈郭肆虐宮闈汚于嗟劉淵一倡晉室孤長淮以北歸五胡洛
陽宮殿成荒蕪成荒蕪復何恨防患於未然我思江統徙戎論

懷愍辱

石印封發東吳荒孫家青蓋入洛陽屠各稱帝西晉亡馬家青蓋

入平陽入平陽懷愍辱以暴易暴慨愈毒青衣行酒執蓋前中原天子爲奴僕庾珉辛賓空慟哭烏庠五胡乘隙亂中華禍始八王殘骨肉

貂不足

貂不足狗尾續揮爾塵失我鹿馬已奔牛相逐誤蒼生者二王送頭皮者二陸洛陽銅駝荆棘叢新亭淚灑神器東二十四友百六掾不敵一个嵇侍中

白頭公

勇言人作賊便殺無復疑人言勇作賊當何以處之中丞之忠民所望都督之毒誰敢當爲國者死誤國者昌偏安之局安得而不亡噫吁嘻珠埋淵石沈海皮已廢肢爲醢帝乃涕泣而問舅曰當曰白頭公何在

報暉堂集

卷二

永史樂府下

二

輯參軍

輯參軍短主簿主簿當作黑頭公參軍生死愧乃父不流芳便貽臭溫之謀超所授廢舊主立新君輯參軍幕中實一箱書老淚止一生助逆父不知大恐吾兒早不死輯參軍非人子

肥水戰

大舉兵圖晉室百萬眾來何疾風馳電逐逼肥水此時秦兵氣何偉豈知年少書生不可輕圖基著著布置精八公山上草木影青岡城邊風鶴聲秦人所聞所見皆晉兵一戰斬梁成再戰斬苻融捷書已至基局未終小兒輩竟成功北府兵真踴躍入萬可制百萬強秦軍一戰成蕭索此時苻堅悔已遲九原難見王景略

譯佛書

譯佛書立國師鳩摩羅什傳其詞奉之如神心不疑從此中原事

佛十而九有口不讀書與詩鳥庠六經火於秦聖學之廢於是始佛書譯於秦釋教之盛於是起于嗟嬴秦火六經後世終不全姚秦譯佛書後世終必傳此世變也亦有天

恆山崩

華山崩漢祚絕恆山崩晉室滅古來天變不虛生何況長星竟天汝水竭天子無萬歲臣子多九錫六代帝王若傳舍紛紛禪代何經極揖讓局終征誅興征誅局變成戰爭戰爭不已篡弑起篡弑反居揖讓名于嗟禪臺成恆山崩

筆公

弱馬給獵見筆公之直秋穀克登惟筆公之力一則曰國之寶再則曰社稷臣銳頭尚書誠良佐北朝天子亦明君藉非聖主明難容直臣生不似吳子輩自壞萬里城

報暉堂集

卷二

詠史樂府下

三

裸相逐

陛下六宮萬數妾惟駙馬一人其事太不均安得朝爲行雨暮行雲帝乃爲置面首左右三十人日夕侍主娛陽春姊弟同輩姑姪爲耦牆有茨不可掃中書之言不可道君不見竹林堂中裸相逐花魂不返怨鬼哭寂寂三呼狂主死猪王乘間膺天祿

褚司空

仕宋爲僕射仕齊爲司空僕射是元老司空又元功侍中不肯奉璽綬司空勸進顏何厚舅氏江山手送人晉扇障日鷗遮醜可憐石頭城但聞哀樂死以身衛粲伊何人忠孝一門能有幾噫嘻司空無君司徒有子

臺城逼

起佛寺講佛經持法戒學長生性命重江山輕三捨身於同泰終